



倚吳集卷之二

七言古風

姑蘇臺

遂昌鄭元祐明德著

城西高臺高百尺傳是吳王舊遊迹
百花正開西子醉明月芳洲照清夕
嬌顏如花醉王側城上烏啼曉星白
歌鼓聲消醉木凋越王已將兵來朝
鎗金撾鼓殷天地兵敗可復棲夫樹
吳人遺恨化潮汐暮往朝來箭湮直
不然自可君用東何用蕭蕭馬嘶驛

夏駕湖

吳王城西夏駕湖至今草木青扶踈
想見吳王來避暑後宮濯濯千芙蓉
酣紅轟翠捲殊絕誰似西施天下無
西施醉凭水窓睡晏衍魚龍張水戲
月上湖頭王醉醒歸舟蓮炬繁如星
不知

推扇唱人者日夜窺吳不暫捨

吳桓王墓

有吳桓王之墓田乃在盤門南郭邊墓中玉鳧久化土石上赤
烏猶紀年寒食無人洒奠飯東風滿地飄榆錢功昭前代啓吳
祚葬地合擇名山川闔閭城南不百步土薄易致畊夫穿昭紘
衆臣號詳密慮不及此寧非愆緬思山東舉義日郇炷願已無
諸賢惟王父子起相繼黃星閃避東南天假之脩齡定四海許
下豈容滿着鞭鑿山掩匠等幾掘朽壤一抔誰獨專白楊蕭々
北邙路姓名能得幾人傳

岳武穆王墓

棲霞嶺南湖水陰墓木兩株高百尋鬼神搗護霜雪幹日夜怒
號風雨音山僧紙錢每自掛隴首金槌那得侵精忠既已塞天
地英爽尚爾盤山林恨雖無血可化碧世故有人能範金恭惟
父子一抔土尚想君臣千載心萬松嶺前行殿廢五國城頭寒
漏沉空令遺黎痛至骨荒墳一上一哀吟

古墻行

其童時侍先人到杭訪諸故家其數至則循王府也府在省
西天井巷其北則油車巷也宋諸王子孫居之者如蜂房其
家粗完則月潤先生也先生諱栢與菊存先生兄弟行先人
言論孤峭尊俎間每謂循王功名去韓岳遠甚特與高宗意
合故享富貴壽考耳其昆季每聞先人抗論往往引去今幾五
十年杭故家掃地盡矣而循王府亦為江浙省官署向年淮
陰龔聖予與菊存交厚見王府環墻猶堅完知其版築時取
土於南山其用意遠矣為賦古墻行其詞於王多所褒美然

豈春秋華削之謂哉為賦此庶幾黃太史浯溪讀碑詩意夫
翠嶺環墻連數堵宋亡猶是循王府渡南功臣王第一賜第錢
唐貯歌舞築墻遠取南山土軍士肩頰汗流股楨幹停勻杵築
堅小却猶支三百年當時能留岳忠武返旆定可銘燕然嫖姚
忘家子胥戮宰嚭賣國身名全偷安湖山忘大辱詔諭江南等
臣僕蕭墻繚周千柱官只欠甃泥蒸後築帶礪鏤銘在甲第築
墻不厭高於屋遠鴈秋橫五國城帛書無復淚交傾可憐忠臣
痛刻骨空令志士死結纓倭顯忠誅誰得失二百年餘昭白日
舊時每見古墻邊鬼鏗夜暗光如漆墻土于今化作灰欲問故
熱心先摧只有省垣新築後鼓角聲殷吳山隈

吊劉龍洲墓

宋渡南如晉永嘉屈辱更甚慚栖鴉才賢盡斃賊檜手君相甘

同魯婦髮孝皇悲憤痛莫雪士逃竄誅能幾家翁也諸侯老賓
客有淚每落西風笳南樓載酒桂花晚經綸志在言非誇且將
南山挾虎穴豈但東海剝鯨牙長敵疏章過慟哭况聞遠鴈來
龍沙林蘇與白出處異便欲呼起能無譁醉鄉生死忘今古酒
孰純香魚可義和我自有祈請便經天非無博望槎瞪視乾坤
謝軒冕朽骨深瘞山之涯婁江東流山蘊玉翁也墓此誰疵瑕
荒陵無人澆變節廢冢有樹開梨花熒鬼燐出松塢想翁來
遊路匪賒

重建岳王精忠廟謝李全初長司

憶昔紹興南渡時從王百萬虎與貔鄂王奮身起偏裨能以百
戰扶國危師行動以紀律持屯行野次人罕知堂大將精忠
旗敵人不敢正眼窺連城之壁無瑕疵如何青蠅玷污之後來

禮葬西湖湄血已化碧無完屍于今宗亡宗社隳獨遺墓木蟠
孫枝夜啼鶴鷗嘯狐狸過而問者知謂誰廬陵李君每涕洟迺
坐幙府深自惟不獨罄發囊中資又屬州人使共治徘徊經營
出成規廟遂落成煥楠軒烝嘗復享崇令儀父老瞻拜咸嗟咨
贊君為政能及茲只今鮮任舟將移何以表君去後思爰勒堅
珉著貞詞昭示億年匪夸毗過者下讀麗牲碑

長孫皇后免冠圖

貞觀聖人還紫宮按劍欲殺田舍翁。本帝仇今作輔逆鱗易
批難論功后聞君言心慄慄自古君明則臣直直臣脫若死無
辜賤妾一身亦奚惜免冠再拜明主前陰扶紅日行青天他時
拭目看陵樹不以大義虧其全

淵明歸莊圖

終風晝霾八表昏有眼不睹東方暎只應門前種楊柳山河已
改枝柯存原田鴨。水漾。歸來有酒盈清尊醉鄉生死豈不
好縣書甲子明深息仁人義士久黃土丹青彷彿柴桑村畫圖
不蓋古今意寒蛩夜語秋槐根

東坡赤壁圖

奎星墮地不化石化作盤天老胸臆清禁森嚴著不得半夜吹
簫過赤壁百億魚龍不敢聽萬古東流月華白

溫日觀畫葡萄

伊昔錢唐溫日觀醉兀竹輿殊傲岸却將書法畫葡萄張顛草
聖何零亂枝。葉。點畫間醉皚白眼看青天狂呼大盜楊捻
統天不汝誅吾厚顏楊加箠死曾不畏故老言之淚尚潛畫成
葡萄誰賞識惟有鮮于恒嘖。醉叩齋室支離疏拊摩悲歌淚

填臆鮮于設浴師浣之為師滌垢曾弗辭人言結襪張廷尉千
載風流寧異茲莫如龍須實馬乳問師揮毫奚獨取只因漢使
遠持來野老詩成淚如雨

贈無錫強教諭

義門影連梁溪水誦聲琅、長應耳中有文儒名父子教鐸鏗
鉤相繼起毗陵去家不百里藹、春雲盡棗梓三年職教識才
美鼓篋未遊無遠迹振衣升堂靜兀、槩於群經味其旨坐見
金精出鑪箕津池冰消躍赤鯉壇杏絨春紅蕊、政成南歸點
行李明月清風滿船尾歸娛慈親綠衣喜釀酒華堂紛拜跪棣
萼春輝交鞞、咸祝先生此升矣

送范子方掌教

江南喬木幾家存魏公猶多賢子孫根株久浸詩書澤萌栢長
承雨露息美化山長尤秀出翩其令儀如玉溫觀光帝都富述
作傳經親闡加討論一官不厭客壇冷暫爾定省違朝昏側身
霄漢度林嶺照眼井絡逢人村東風吹衣晝襲、北斗橫屋夜
嗽、公侯復始自今日浩蕩息波白獸尊傳聞吾家光祿墳青
松上啼古帝魂大皆十圍閱世久禪旁狙杙無留根貞元丞相
久寤莫不辭為庶為清門得從君去拜棗梓勝倚孤雲濺淚痕

贈達長司懋衡

十月二日君生辰菊有黃花霜露新漢朝既頌召賈馬嵩岳豈
徒生甫申、衆瞻雲霄黃鵠舉自愛江海白鷗馴烏絲畫臨嶧山
刻銀箋夜製吳官春政爾揚舲海潮上忽然煮茶溪水濱轉枝
幽禽語留客攬臆野梅開向人蒼生却問謝安石白首可同鄭
子真

送顧縣尉定之

虎頭諸孫豈誠癡飛墨即是蒼筠枝故家喬木盡黃落此君貞
節仍堅持向年毗陵為錄判正聲早騰青玉案親歿天南樞返
吳棄官急歸方寸亂從兄負土成孤墳天平山麓黯秋雲哀
淚滴墳上土終制北謁天皇君一官又赴同安尉白雲黃葉秋
無際道經武夷山下路過雲棹歌迎鼓柵山中徵君栽小冠能
令幽居帝畫看

贈藏書顧明則

昔人於書皆手鈔六經子史方神交編纂雖勤不聞道是亦蠹
蟬書作巢積書之家費裝緝禘工亦由書傳出一朝妙手完缺
殘正如雲開睹初日我欲一問顧生家松陵春晴桃始華蟠胸
萬卷老多忘檢卷只如昏樹鴉嗟書生吳鉅族風霜日夜摧

喬木雖然業身薄秩間有眼且看江南山

古書行贈吳孟思

蒼頡四目通神明制字以來幾變更籀創大篆豈柱史石鼓有
刻非無徵驪珠煌幾千顆照燭萬世開章程周平東遷帝紉
解甄豐繼出加研精秦斯學荀儒運阨獨負小篆超焚坑戈森
劍列出華玉百世是寶堪依憑次仲忽挾八分起喜動呂政消
威稜一朝檻車化鶴去傳聞無乃非人情政方鞭殘海宇日程
邈繼仲尤知名六國滅姬旋自滅人如亂麻死長城神工異畫
先後出隸法變篆由邈興十年覃思非不苦習趙簡便令人輕
鄙瞻繁星慎於六義功不細朽骨逮今餘德馨漢章變草本伯
度波磔與隸猶相仍俗書姿媚相扇告韓論匪激毋深驚千年

陽冰紹斯跡有茂其實蜚英聲珪璧煌煌照衰世白馬記與庶
子銘兩徐識解更卓特著書翼慎言庚張侯豹姿編復古金
薤琳琅垂九清皇元雋生趙文敏掃世糠粃開群盲龍翔鳳翥
彩雲晚夾以日馭揚旌自公騎箕上天去衆論悉與濮陽生
生名吳睿孟思字篆隸可寶如璜珩周旋向背盡規矩分布上
下紛縱橫囊錐畫沙泯芒角寶樹出網含光晶研裂雲根劍就
淬射穿楊葉弓開拜刊題班滿山石姓名徃聞帝京贈言
無如胡汲仲我乃蚓竅蠅黽闔閭城中每相見愧我頭白君
眼青長歌噉成三月暮如婦無能空拊膺

龍香行贈吳國良

張公洞中芝草春帝歲寶書更幾塵中有龍香燒墨法古苔溜
雨松膚皴木公竊窺試造後至今法行溪水濱吳生妙解不求

似獨造萬古工何純玄霜夜搗玉兔白黑瓊曉剝蒼蛟鱗製成
比之犀截角研罷頓似鷲憑茵姿如青銅色如漆并潘便見亦
相親老矣父子委世久潘李竟誰追後塵嗟生一朝過賞識會
同南琛貢紫宸願寶龍香古圭壁明月清光長照人

相地余君祥贈言卷

我早不識余山人湖海名知三十春聞其欲識天下士不厭四
方走跋竭來中吳春苦雨雨窓峭寒肌骨皴袖有贈言成大
軸讀未卷終傷我神儒先淪落日已盡我獨未死如枯鱗涸轍
曾無斗升水破靴厭踏康莊塵生言宿知地理學轉移造化抽
機輪黃箸定鈴司馬氏青囊為書郭景純二子騎箕上天去遺
編憑誰據其津余生兩眼炯秋月徧觀山崖與海濱先輩而今
木已拱後生蹇予蠖不伸何處青山可埋我免使烏鳶螻蟻噴

舒大尹伯洪之任晉陵

西門曉送舒晉陵十里冲、聞鑿氷邑侯生長單父邑彈琴化
行咸服膺民風莫訝北南異身教始為今者稱我歌侯聽意良
苦且住槽撥朱絲繩田間困悴非一日錐刀割剝動千層孱民
不殊置裏免猾吏却如霜後鷹豪強結托相表裏機變聚集夸
才能繭絲何曾宿杼軸粟穗况欲棲溝塍煌、列宿在霄漢扣
首昊天呼不應風聲俗習一至此問侯何以寬凌兢侯從曹監
學古訓仁義樓櫓身先登雄談浪、馮河漢偉度浩、吞鷗鵬
力行以言拯頽俗定奮其力支崩騰坐令凋瘵復完實豈但墮
勞不次陞腐儒歌長侯勉聽無肉如陵酒如澠歌長意苦白日
暮忽見新月上漁罾

送韓從事王温之闕

韓侯魏公之子孫傳家故笏今猶存吏程于今重漕府人望自
昔推名門風帆曉綽鳳洲過鐵碇夜劃鯨波渾七閩宏開元帥
府二品欲均丞相尊簪圍煌、荔子葉庭走陰、榕樹果遷陞
郎署不憚遠遙拜朝命茲承息道山亭上登臨日為賦海湧玻
瓈盆

送汪秀才莖中

三十年前湖上路君之外舅錢唐簿春風雙鬢綠於雲豈料于
今各暈莫遲暮相逢兩相顧出者非迂處非誤君出才如班定
遠我處心慚黃紉度向年邊氓弄鋤鋌屈君從戎曾不腐皇家
福力九鼎固尔民何異冒中兔上功幕府窳不聞一命低徊樂
其素參佐南安郡幙歸行李蕭然只如故于今復理吏部銓束
書朝上閭門船柳條緘黃雪初霽鷗波吹白舟當牽繡書蓬窓

倦吳卷二
遮老眼沽酒野店澆殘年想見新春花欲然君應醉倒春風前
青雲故人布百辟黃帝除書來九天得官南歸應過我姑蘇臺
東野水邊却問朝端泰祕監何時寄我歸來篇

趙松雪畫

鷗波亭前千疊山縹緲峯巒烟靄間既如春雲多態度復似靜
女工幽嫺老槎霜寒露刻削崩湍雨霽聲潺湲飛樓湧殿出林
表中有逸人相往還風帆截谿馬載道兼有艇子維滄灣有時
扣舷一清唱有時談玄一破顏吳興仙翁補天手毫端五色春
嬾媠畫成未數董北苑王維二李相躋攀自翁騎鯨上天後至
今玉珮聲珊珊空令下土寶遺墨真贗紛誰與刪

趙仲穆畫

王孫畫思凌紫青千峰削出秋冥丹臺疑通玉京路飛瀑上
濺銀河星抱琴隨馬風冷定知不是王門伶山空水流木葉
落曲終正不求人聽溪流明滅夕陽晚似有樵唱耒岩坳王孫
歸卧鷗波亭鈞天清都夢始醒浮雲變滅不掛眼盤石溪邊且
濯纓

李龍眠唐馬仲穆臨

龍眠畫馬妙入神邈得唐時馬與人通馬語默相契馬知人
意更相親文皇昔御六龍出天為聖主產騏驎開元馬牧蕃盛
日愛駕嚙腓誰能馴自昔龍駒有天骨驕驕獨起秋輪困西巡
不復觴王母東歸政尔慙直臣馬圖流傳至汴宗玉駝紫燕聊
前陳守文之君保成業不肯一日開邊塵遂寘驛駟鼓車下猛
蛟失水無完鱗柏臺退休親貌得畫意逮逼曹韓真畫史纔知
粉墨趣學士乃通元化目曹韓骨朽伯時死餘子溪上茗花春

臨摹不得畫史意掩卷愁眉誰與伸

徐孟達別墅冬日海棠

猗唐厚德徐有功力迴克殘致時雍子孫蒙休百世下草木作
花嚴冷中園林尚或保剩絲霜霰不敢欺媽紅金盤朝露洗睡
態錦絲步障圍春容流年固如東逝水街子豈必西飛鴻何異
佳人倚脩竹尚矜絕艷彈孤桐徘徊樹下三歎息人生遲莫將
無同

王元章白描梅

王郎筆底無纖塵只有萬斛江南春踈花冷蕊禁不得珠明玉
潤前森陳珊瑚交柯撐鐵網金鉗鏢日張龍鱗咸平處士西湖
濱風雪滿頭肌肉皴長歌短吟梅樹下聲詩寫得梅花真王郎
晚戴剡溪雪艤舟孤山一問津色香屏塵盡奪取高揮大抹駭

世人舊時娟、裏湖月清光長照無疎親

頽定之墨竹

虎頭諸孫妙飛墨藁篁脩纖傍湖石只疑湘江水湛碧英娥騎
鯨去不返千古遙岑縮秋色

黃子久山水二首

小點天癡誰復然畫山畫水亦隨緣懸厓絕谷噴流泉此中即
是安養地九品蓮華光燭天

衆人皆點我獨痴頭蓬面皴絲髮垂勇投南山刺白額飢緣東
嶺采青芝仲雍山趾歸休日尚餘平生五色筆画山画水画樓
臺萬態春雲研坳出只今年已八十餘無復再投光範書留得
讀書眼如月萬古清光滿太虛

向年與岳漢陽趙宛丘同登荆溪王氏仁後堂今幾四

十稔時允同尚未生茲允同出拜感念今昔賦以與之
昔年嘗登仁壽堂岳趙兩侯與頡頏周情孔思藹煦臆商彝
鼎陳寶藏名畫珠官啓丹碧法書金薤垂琳琅官窰器列八珍
饌博山爐焚三傑香稽經考史發言論跨秦越漢譚文章惟時
石塢梅花吐有輿起穿林嶺長溪迴路轉雪欲作薄暮似逸羅
浮傍歸途列炬兼擊柝候人奔迓遙相望南枝禽翻北枝凍置
酒張鐙羅豔粧主賓一時極驩會轉頭于今四十霜趙登廊廟
岳物故我仍饑驅行四方人生那能免離合世運乃爾罹慘傷
乾坤瘡痍戰塵黑溪山破碎愁雲黃華屋終焉變瓦礫舊厭梁
肉今糟糠子之家居尤可念蒿艾叢深躡虎狼幸哉仁者必有
後出贅于此存豪芒子之拜我增慨衰頹有幾乘榆光朋儔
凋落世變苦安得不及我涕滂

送俞教授之餘杭

餘杭縣前春水生校官書舟如葉輕鶯啼講壇杏垂實魚躍泮
水芹抽莖易於觀天聖域敬文者載道天機精明年彤庭對策
後我亦閭門迓前旌

送俞叔元從游慈溪陳文昭

百舍重趼從師遊為道不為利祿謀今子遠鼓浙東柁濤江日
暮青山稠慈谿為縣山水幽製錦者誰陳太丘退食何曾廢探
討固應戶屢遠相求它時卒業歸語我坐見一鷗橫清秋

送李運使海漕抵京見宣城貢侍制

易於涉險必曰川何況杭海決九淵海雖無風浪或顛銀山雪
屋相崩騫國家鴻庥上際天漕海運糧今幾年波神水妃相後
先分護糧艘咸周全棹即披舵歌扣舷南風趨帆到幽燕萬井

白髮朝炊烟青駒之年福更延上帝降監加矜憐天子明聖宰
相賢明燭萬里無私偏春運已達北海壩天吳帖首海若眠李
即夏運能勉旃海波鏡平糧在船由即心純志確堅敬亭之山
秀而妍幼從貢公讀陳編志存功業永久傳縣知此行尤靜便
定膺上賞坐玳筵金縑縹緲寵命宣應後貢公見榻前清光只
尺如霏煙貢公若問老鄭虔為言白頭仍草玄海宇清晏無戈
鋌咏歌太平老林泉却寄貢公山木篇

寄雲南蕭總戎

將軍昔麾白虎旛指率虎士平雲南大山豐林犀象窟青山一
東西橫擔諸軍落險坐如蜩下噴長鯨手獨探威行武侯擒縱
地天旆森立如松杉整師徐行身後殿黠胄還國無留簪搃戎
既已等卻穀相國正可同曹參自參大政論國柄載具清靜民
心甘鳳飛祥雲忽鍛翮公論在人寧久酣皇明鼉徹燭群蓮蔀
蔽盡撤檢謀戡將軍復整蒼玉佩入朝拜手儀容諳念臣已老
心則壯寶鏡在匣秋儋、聖君萬歲國基固明堂締構須梗楠

送劉朝章同知赴任仲治公之子

府尊向任杭推官宛丘趙公家交歡子時方年二十許身衣大
布頭南冠二公相予忘齒齒稽經抽史言盤、趙公騎箕尊府
老會合無由空慨歎尊翁後貳吳府政吏畏民思閭井安只今
星霜十五易北歸懸車魏地寬即君翩、蒙世澤氣貌潤哲神
仍端同知黃岩行有日部從南向千峯巒徵詩於予感衰老况
復秋深霜露寒客懷蕭、詩鬢白江浦淒、楓葉丹自慙居貧
無贖錢鴻飛萬里須脩翰高天無雲卿月皎候吏側足迎征鞍
民思善治甚飢渴報政何以蘇凋殘尊公在此後佳信翬騰實

著無留難

題張伯雨留別卷

句曲外史儒仙師開口論事劍羌、詩律精嚴奪天巧字畫峭
重含春姿一朝飄然上京邑赤墀不拜惟長揖名稱藉、諸公
間落紙雲烟粲星日爾書令任西湖濱忽思騎虎朝玉宸大茅
峯頭軒北斗劍佩色映江南春山經幽文與道帙歸藏靈澗之
石室小劫猶割紫琳腴大書應按皇人筆鬼物守護今幾年闔
戶勒銘師亦仙酒星在天照酒泉師醉而死方陶然如何卧病
二十日鶴骨瘦筋神隼急一朝返真大浣洞西湖山空鬼夜泣
飛墨如霧留人間讀之鏘然鳴珮環疑師不死不得見老淚洒
入秋苔斑

重題溫日觀葡萄

故宋狂僧溫日觀醉凭竹輿稱是漢以頭濡墨寫葡萄葉、枝
枝自零亂隴首時有連真珈每欲邀師飲其家路逢其人輒大
罵欲泄憤怒寧辭撻鮮于愛師工字畫北面從師學波磔寫出
葡萄皆法書二王楷範從師得困學齋前支離疏師來或哭或
歌呼醒塗醉抹不可測其言皆足警懦夫先生弊廬耿家步阿
師舊日經行路月落山空喚不應尚想秋棚溥白露

則天如師子林

萬竹陰、師子林蒼霏如雪不厭深影當初陽鷺鳳舞響作平
地蛟龍吟契機元非擊後悟乘涼已在栽時尋行鞭土酥雖詰
屈沛潤法雨无陰森筍時不傳食玉法定起每聽貫珠音那知
閻浮有六月只緣毗耶無二心眼光固已燦天地王度政尔忒
王金老矣蒲鞋尚堪織負豈藜藿美長乏斟養威窟中善自愛解

鈴額下知誰任擾、塵勞竟何以便應於此投華簪

送詩僧珩書記

吳僧娟、珩上人詩如嶽面青嶢峭旁支小山各秀出吞雲洩
雨千星辰陳高復來說珩好思若美玉蒸浮尹十即浮筠我老於
詩苦思短援筆欲下仍嘖呻奏香擬繞玉皇案放權却入桃源
春艱難若此良自咲束燒不熟釜底塵如何諸君擅天巧珩也
又復能清新百年幾見光嶽合四海此喜文章純吾聞衆門重
行解言必與道無碁磷西風搖落鴈南鄉長歌送子空沾巾

送顏陋隱道士

顏闔煉术三茆山木烟如雲紫翠間久御師壇黑虎出又騎仙
岩白鶴還符籙登真有要訣祠竈却老須玄關寶書仍傳具茨
牧珠寶政綴玄都班是中有煉玉質不逐顏景凋朱顏修辭

如蘭吐酷烈濯足古澗聽潺湲企余東望不可即天風冷然鏘

珮環

送林玄卿鍊師歸永嘉

玉晨明皇大道君丹霞上館較瓊文芙蓉製冠珠織裙並乘綠
輦駕飛雲有美一人岸青帔來從東甌東海濱不咲不語寡居
忻帝驚顧語仙聖群是能執持神化蘊叶余昔夢噩帝喜紛極
余於危釋憂懂報崇仙階秩孔殷尚念無以章殊勲琳宮紫幄
珠流熒靈乘乘純去乘雲景響濁世那由聞神孫飄翩接芳芬
身陽冶陰調夕昕氣神元精駐不分由能鍊之久益貴水浸不
溺火不焚是謂真人非外焚鴈蕩未落溪云子今東歸侶驚
麋將與浮脆固氤氳醜之清冷濯垢氛我將學之意則勤其如
衰年日已曛况復歲晏手足軟作詩送子空云云

送聰首座遊昇聞極日本人

昔年龍河帝作宮萬礎搆出金芙蓉祝釐至命黑衣相董役迺
是烏臺公帝乘雲去師示寐瓦礫依然化金碧提鐘吹螺震天
地游從每振東南錫聰也金螯背上人金翅擘海驅波神典座
南屏萬峯上高閣瞪睨青嶙峋來吳欲作鳳臺去詞鋒欲寫秦
淮樹業材參天必豫章匠石何嘗後梁柱渺長江無盡流詩
成為寄波間鷗自昔六朝帝王州老夫每欲東南遊白下江山
暮雲合烏衣巷陌斜陽愁古人銷亡景物在着我一賦商聲謳

贈日本僧

海以島嶼為連城其大每與龍伯爭珊瑚柱冷建宮闕翡翠浪
暖開蓬瀛亦有神僧出其國能與古佛同無生飯香盛貯帝青
鉢身垢沐浴琉璃瓶錫飛曾追獨雀遠杯渡至此羣鷗輕輔教

編成獻明主彎弓機險開群盲梅花飛雪歲云暮冰剗削玉天
初晴魚翻春波逐鼓柁馬嘶晚驛知揚旌蕩茶榻前啓沃屢不
讓義夫留大名

題夷僧寫蘭卷

老禪首從日本來足踏萬里鯨波開金仙所居太霞上五色芝
草為樓臺國香中有蘭與蕙成叢托根在蓬萊老禪一見契幽
獨葉莖之在心目現坳盛得楚芳魂九畹春風種華玉紫鱖
背開龍伯宮千柱結構神施工妙高臺上醉揮墨光雲閃映珊
瑚紅鬚王分茅甸南服萬馬屯雲夜如簇獨延老師至王宮霜
氈毫蘸松煤綠為書蛟龍古奇字噴霧擎雲看不足老禪擔簦
東入吳白虹夜騰西太湖飛墨何分醉和醒高天頃刻青糝糊
橫揮直抹恣圖寫太虛空裡無精粗諸方非無大休坐合讓主

席談揮鉄只緣自有寶玉到千層樓閣金銀鋪人間腥腐蝸一
殼蟻蒙聚散真斯須定他日議天統大沛法雨滋焦枯

鍾馗部鬼圖

老髯足恐迷陽棘鬼有藤輿振雙膝前驅肥身兒短黑非髯嬌
兒則已腊後從氣醜服厮役擔携鬼脯作髯食鬼肌未必能肥
脂舖之空勞髯手擘彼瘦而巾楷長窄無乃癯儒執髯役其餘
醜狀千百態專為世人尸辟恠楚龔穉老非其類請問何由識
其槩想龔目睛爍陰界行屍走鬼非殊派民膏民脂飽死後却
供髯食縮而瘦無由起龔問其候有嘯于梁妖莫售大明當天
百祿轉物不疵癘民長壽

馗妹圖

天寶治衰妹兄出白晝宮庭馘穉穉妹時何在不佐兄靚妝白

銜妖嬾質後來形見知何所百鬼尊之莫敢睹提劍躍馬從其
兄每為人家守環堵老韓飢窮夜縛船送之不去今幾年妹有
從兄肆屏逐我亦家富黃金錢

謝自然像

老韓詰屈雄世間好用險語搜神姦上仙飛空詣丹闕政自與
世無相関奚為造言極誣詆何妨月照千江水龍伯珠宮深處
明鶴髮高師醞時喜扶植世教須老韓天風不礙鏘鳴鳶不見
果州南充縣香火至今盟未寒

花蝶謠題舜舉畫

華魂迷春招不歸夢隨蝴蝶江南飛碧蕤粉香酣不起卧帖芳
茵唾鉛水痴娥眼嬌錯驚頽解裙戲撲沾零露折釵搔首咲相
語阿誰芳心同相類雲流光空影寒冰波絨恨啼闌干

贈筆工沈日新

南州先生真玉人蘇家季孟世絕倫良公騎尾上天去清潤餘
流溪水濱東老之家酒熟未其孫猶以縛筆聞公家兄弟不負
筆我輩禿之天且嗔不如醉用榴皮寫仙人豈亦能書者

趙千里聚扇上寫山次伯雨韻

宋諸王孫妙盤礴萬里江山歸一握卷藏袖中舒在我清風徐
來穀衣薄文采于今淪落餘雕闌玉砌淒烟蕪寶玉不隨黃土
化門上空啼頭白鳥

趙善長枉顧玉山遂以絹為予索画并詩其上

顧家絹如雞子皮趙生畫似鮫人機冰絲瑩滑始受彩天藻絢
爛方含輝海波金芒龍日上溪樹翠鎖春洲肥漁師出港晴舉
網楚老問渡寒褰衣試訊何從有此景願在筆底縱橫揮

崇碧軒

江城喬木春陰薄故家文獻多淪落雨聲環堵長蓬蒿鬢影衰
年飯藜藿見說張家崇碧軒榭楠豫章青拂天后皇嘉樹無不
有雨露所濡皆可憐何時從子松根下讀書逍遙以忘年

漁莊

濠上春晴花朶、施周強知魚與我爭如顧猶讀書倦馭沓浪
花宵鼓枻船頭列炬船尾唱繩擲如雲翻水上并刀斫雪鱸縷
飛拍、茆柴薦新釀莊上東風柳欲綿鯉魚吹浪迎歸船由來
名教有樂地看書却掃消殘年

梅隱

昔者先人住杭州和靖祠前水東流弊廬與祠政相近看梅吊
古山之幽咸平梅花三百樹無復春風一樹留荒烟野花開躑

燭落日林樹啼鴉黃昏娟、裏湖月每為香影含孤愁長懷
此花冰玉質無言自足令人羞眼明波間雙白鷗亦復與世相
沉浮不見梅花已悽怨沈聞笛聲湖水頭青山難消楚人恨白
髮易感商聲謳吾廬亦豈能自愛種梅繞屋休嫌稠三十年間
屢易主歸魂每夢花間遊目觀此圖重歎息萬事何異水中漚
知君斷非充隱者卜居梅花善自謀我亦漂零江海上悠、千
古一登樓

玉山佳處為顧仲瑛賦

東望東吳積水深海天削出青瑤岑肅侯諸孫有基構界汪築
室如山林石根乎尹音浮蒸玉氣岫曲窈窕來寔音籠鶴教馴
合舞節池魚出游聽鼓琴樓臺花雨眾香國書畫芸香千古心
按歌寧辭夜投轄彈冠又須朝盞簪已傷苔磯學釣擲更上風
磴窮登臨竹梧參天鳳鸞集老夫為爾長歌吟

湖光山色樓

顧家湖光山色樓登覽近在西簷頭朝旭帖水白初散晴雲出
塢青相繆浪花鑠閃上初日崖氣澄橫如凜秋宿草依、仲雍
墓孤帆搖、范蠡舟靈乘每見雲旗下物換幾番汀草抽何人
孤嘯畝漁唱有客五月披羊裘主人領客遙指點童子昔時曾
釣遊曳裾王門塵眯目擔簦客鄉雪滿頭何如長年老於此登
臨咲樂孰與儔玉関西望不得入辛苦纔封定遠侯

雲山高隱圖

大山截業如張旗小山偃蹇如牽衣巖頭千仞瀉飛瀑迸珠濺
雪交橫飛林廬隱、空中起青紅棟宇相軒委中有幽人歌紫
芝自採藥苗臨澗洗喬林露下青童、交柯老幹森虬龍豈無

明堂棟梁柱還當采獻明光宮寧無谷底白駒客考槃歌中風
落日畫圖難寫西隱踪一曲寫笙度空碧

虞勝伯江山風雨圖

雍公之孫勝伯父落筆驚人意獨苦篆籀從衡寫風雨平林遠
岸舟橫浦想從出蜀看山多筆鋒森然如斲戈春秋著成可柰
何酒酣拔劍須君歌

鄭禧之古木圖

吾宗有子擅風流履行只如陳太丘復向仇池寫林薄六月陰
森如凜秋前修凋零吾亦老落日孤雲生晚愁

鈎勒竹

鳳凰仇池五色毛睥睨一如金錯刀欲斲滄海上初日下有積
石定風濤曾向雲間拾鳳毛從衡文彩自揮毫龍孫歌詠求摹

寫露洗珊瑚月影高

題梅為人壽

二月十日君生朝連日重霧今日消梅花含春照池水眼明見
此千瓊瑤我願君年等金石梅花結子調鼎食年々為君持壽
盃大醉花前華月白

天台山圖

萬八千丈天台山仙人抱琴時往還絲聲落澗秋潺湲曲終蜚
雲舞玄鶴霞光樓觀難躋攀

芭蕉菴為僧賦

芭蕉為菴世所知諭人生滅無多時春風方抽綠羅卷秋雨便
折青瑤枝叢茂如雲蓋有自身飄着土當後誰畦傍築室善取
譬葉上濡墨仍題詩猩紅吐花粲堪數鵝黃駢實甘如飴使其

堅牢閱世久敢恨迫窄逢君遲雨聲蕭蕭集疎響世路驚
多岐於茲不悟佛所說金粟如來良足嗤

楊妃上馬圖

華萼樓前上馬時君王忘是壽王妃龍顏含笑待待輕海棠睡
美春風吹繡鞍嬌凭翠裏冷金輦擬跨絲鞭垂官鞞拍鞞欲馳
及歛步搖危不支後宮窈窕千蛾眉並乘騶裏黃金羈夫容
濯露捻殊妙襍選綺羅知謂誰獨推妖環何所之聯翩欲向華
清池雙龍噴脉踏花去錦香覆滿紅燕脂後官車騎空瞻望並
有私語行遲行母遲之日已西漁陽鐵騎崩雲追纔出都門
便別離千載形跡令人悲再拜能忘臣甫詩

九馬圖

西風原野汗血駒或蹏或嚙或驚驅齧草飲水秋氣肅追風抹
電神情蘇一匹衣塵一匹通兩匹交頸如城烏其餘五匹總殊
絕八龍溢一崩群駕為問何時脫羈勒肆行如雲從所適仰首
斜陽嘶嚙膝一似逢人訴胸臆自穆西歸遭漢家不辭低頭駕
鼓車渥洼水深龍種在玉關西望空咨嗟

王時進梅屋

張髯講道吳王城聽受不懈惟王生讀書折旋梅花側吟香吹
入吾伊聲仙芸豈是辟蠹草古苔終開掛鳳英春融太古有積
雪風度曲闌絲飛瓊生於此時讀書處正值何遜吟詩成豈應
娟娟舊時月獨留疎影當窓橫

芝雲堂

仙家芝草暉五色海日一照蒸成雲結為樓觀霄漢上千門萬
戶皆氤氳斑龍誤騎有誦籍雲旂夜下星宮君忽焉隨地變為

石昆吾有刀切不得巖壑高深翠濤積御雲輪困瑤草碧永護
金粟仙人宅

画

抱琴船頭為誰鼓淞江秋声荻花浦鯨魚出聽掉尾聲曲終鴻
鴈起江澣帝子降兮木葉下

除夕

今日歲徂鐙火明欲雪未雪雲冥冥負家夜有轆釜聲十年飄
泊吳王城安知節序兒女情不眠坐數長短更但有楫拙煨砂
瓶煮茗亦得尊前傾檐水錚然向堦落北隣笙歌厭杯酌丈夫
雖貧氣不索此意莫令羈旅覺

僑吳集卷之二

僑吳集卷之三

遂昌鄭元祐明德著



長短句體

汝陽張御史死節歌

張御史罵賊死國忠臣家孝子忠義國家培植來自日照耀黃
金臺此身許國誓不二不信白骨生青苔近者汝陽妖賊起揮
刀殺人丹汝水侯指頭上獬豸冠掌柱乾坤立人紀侯頸可斷
身可捐義不與賊同戴天背裂齒碎加憤怒髮直上指目炯然
賊刀入口鉤侯舌舌斷含餬罵不絕孤忠既足明丹心三年猶
須化碧血顏平原張睢陽一日雖短千載長人誰不死忠義
汗簡至今名字香朝廷易名賜廟食人誰無心應感激坐令忠
義銷兇邪鑿井畊田歌帝力

沈孝孫孝感行為謝醫沈日新

吳東門葑泥千頃曾無根舟行漫漾渺無際天水日夜相吐吞
太平日久人烟聚落散布洲渚上繩擗網罟往來成人村沈仲
說父奉其高年之祖母避喧却掃於此安晨昏說也不惟文行
一如李令伯零丁孤苦形影相依惟此祖與孫祖母今年九十
歲十年三蒙賜帛息孫扶母出拜君命能無芳鮮列酒樽阿婆
喜懽一一為孫加啖歡便出泄瀉腑臟如雷奔耄齡久衰元氣
薄數日不復欣盤飧說憂形於色苦形於言東吳世醫沈君日
新父與沈世契如水有委則有源新至切母脉察母虛實寒与
温謂非藥可療精漿曾經膈水浸中有穀氣可以回脾元作糜
飲母病良愈說也樂甚再拜謝新難具論嗟哉說與新時表念
孝如說藝如新皆可敦薄俗厚彝倫只今聖王敷五教舉逸民
一朝徵車轟動龍伯國陳情有表應更語諄諄新也上醫國固

有道說也孝感可以假上帝通明神是謂同姓不減骨肉親二
子孝與藝流布千秋春

虛靖天師大道歌

千峯秀攢龍虎山學仙之人住其間時乘飛馭下人家主掌符
籙尸神姦虛靖繼出千載後道風契天高莫攀如網有綱樞有
環足以立懦而廉頑豈徒風霆走稟命政使仙聖皆承顏大道
甚夷民自艱大道甚徑民自彞天師與歌一哀唱只在身中無
往還吁此血肉塊成壞等草菅氣歸元海便無極箭射虛空真
葦閑無何虞趙二公辯方始無乃七聖皆迷所見才一斑

碧海謠贈洪尊師

我逢碧海之仙人為賦碧海之仙謠霞光樓觀不在東瀛大海
外煌煌紫芝一年三秀近在計籌之山樹山椒真人號南谷乘

雲累侍通明朝其言皇帝王霸若指掌聖心傾沛如以水沃焦
白雲那知紫極貴歸休林壑殊逍遙草衣木石甘應世土堦茅
茨或夢堯坐致公卿貴人北面拜稽首真人眼空四海瞪沈寥
於時大弟子獨稱薛與姚洪君之家在天目百年喬木風霜凋
時從真人問道巖谷裡暑時日燦石寒時雪齊腰道成真人駕
鶴去山頭每聞吹簫于今三十載海遠天迢先輩儀刑漸
淪落何以使我鄙吝消騎牛青林躬耕苦日短釣螯碧海欲往
嗟路遙別來幾度水清淺相逢鬢髮俱飄蕭吳王城中喝欲斃
擬渡碧海心旌搖便欲乘槎共君去問君登真之要訣分君不
死之藥苗萬一天風引舟便勞君遠舉雲旗招

送木善副使任古杭宣監

蓋管僧之官也

昔者雪山大沙門道如日月行乾坤屬法王臣俾外護言雖已

遠如生存爰自西來東震旦護法孰如我皇元統以內外宣政
院官僚皆選宰輔尊公為院副秩二品橫金厭冷腰犀温大江
之南地萬里僧之賢愚難具論公以憲監暫居此摩尼珠照濁
水源我知公繼相業大召登廟堂扣天闔太平勲業可坐致豈
但安禪闡教報佛息異時丹青畫麟閣知是忠武魯公賢相之
諸孫

感策吟次趙季文韻贈老伶杜寬

吳王故宮天早秋誰吹感策城南樓一吹風生鷓鴣裘再吹何
人敢伊優曲終引氣如刀鏤龍笛鳳笙皆不伴五音歎薄一吸
收玉關淚落定遠侯不獨壯士皆回頭杜伶何來自中州目睫
每射車前牛不以伎業寒颼妙吹感策冠名流嚙官噴徵無
時休巧如春鷲薄曉簧舌抽歛如飢鶻嘯樹呼高颼慘如國殤

舉燐精靈夜相求，劃如雌龍挾雨歸。吟百丈湫緯，嫠與鬻婦聽。
終各自愁為問，竹枝蘆葉若為寫。出秦青謳四座，皆感歎何如。
謝安石素抱蒼生憂，且復彈絲弄竹少。為東山留我，願謝公上
廊廟。任臣鄰掌調燮，鏘琳球一鳴。簫韻下威鳳，和樂誰聞九
丘。母但謠感策妙語，高浮功成拂衣滄海上。仙人並轡駉螭
蚪，却憐江潭憔悴者。悲世迫隘賦遠遊。

李早馬圖

外甥似舅明昌帝，取法宣和尚。工伎李早畫馬供奉時，畫院森
森嚴品第。冀之北土馬所生，早也想見房星精。遂令龍媒出毫
素，側曾注目疑嘶鳴。紈扇畫三騎，即君峭鞍轡窄衫繡，裸四帶
巾靴尖。曾踢中州碎紫絨，軍敗祁連山。金鈿玉軸仍南還，好事
空餘扇頭馬。至今拂拭塵埃間。

離鷓鴣曲為貞婦徐夫人作

鷓鴣孤飛鳳不歸，百年雖遠情依依。請彈離鷓鴣曲，愁聽者哭夫
死。南征見尚乳，對鏡離鷓鴣淚如雨。大名城裏千家杵，不歌不相
私相語。為問整之哭，月半橫屋兒啼。欲乳夢夫歸，金創在骨
血滿衣。夫婦忠貞兩不遺，匹如鷓鴣鳳。參差飛母云青天，遠千古
令人覽德輝。

題桐華烟卷

桐始華，桐花開。向荆溪之水涯，溪聲長遶孝侯廟。桐陰盡覆吳
生家，吳生家藏燒墨法。傳自李潘，久益嘉瓦溝。蕪膏火蘊，地穗
結葩。日掃桐花之烟，三萬石鬼物守護無疵瑕。千杵萬杵白兔
白麋鹿，搗膠無夜晝。製成龍香古圭璧，玉剛金精石同壽。奚老
筴松，化石潘癡坐井，裂甃二子却掃桐花烟。生也與之誰

後先墨成飛上通明殿紅雲一朶捧宮硯試之漆黑勞磨研吳
生姓名等潘李肯讓諸蒲先着鞭

贈薛相士

君不見會稽楊廉夫醉吹鐵笛聲鳴々又不見虎林張伯雨靈
石溪邊待輕舉二子道異出處殊長歌短吟意則俱薛生相人
兩眼燿流電二子喜之皆贈以所製之詩書詩如于闐璫玉裝
劍璣書似昆吾寶刀切琳腴生矜袖中有明月出以照我白髭
鬚我鬚日加白我面歲增黑筆硯慚久蕪江湖厭為客生工鑑
人知我者莫翻骨屯由命也見癡家貧四壁立誰為老韓念東
野生見張楊煩寄聲老來何處堪歸耕珠藏深淵劍在匣夜々
空谷騰光晶

贈翰古清

虞公借榻宗鏡堂四衆鄉仰不暫忘古清上人獨見取贈以金
薤之琳琅公時目眇視留々文成欲寫難成行殞星着紙廢屬
讀風襟露帶斜低昂中言上人善幻化神龍千丈一鉢藏蜿蜒
委蛇各有態擘雲掣電金蛇光海濤翻山霹靂碎怒捲河漢如
壺漿世人蒿目不敢覷師獨摩撫如馴羊神膏點鱗翠鬣舞金
篋刮瘻星芒張珊瑚千樹宮室秘獻以耆婆未覩之藥方師哀
其誠為摹寫風旗雷卓雨脚露點晴未了便飛去硯坳有墨空
淋浪願師騎之上帝都為問蒼生誰短長鳧眠鶴翥且莫辨伽
那定裏松花香

巖栖仙人歌

彼仙之人與神為謀舒嘯烟霞放浪林丘以六合為指掌以千
歲為春秋瞪霄漢之空碧渺白雲之孤遊躑躅星向曙目光炯頽

玉映雪肌膚柔方騎閬風謁絳闕又采瑤草過滄洲仙之人兮
欲擅一壑美匪遲徊兮此淹留傍置素琴不復鼓得非與世方
同憂龍蟠青藜杖花落綠綺裘岸巾不掛壁翠髮風颺正研
思慮探道與金匱石室非難紬想應誤騎斑龍隨謫籍於以輔
相聖主福齊州顛崖蒼生性命懸一縷可但獨樂身夷猶仙之
人兮須為謝安石莫學王子猷謝公廊廟上王郎澗之幽窮而
成仙達卿相君家子房出處真其儔功成拂衣江海去笛聲尚
殷岳陽樓

檳榔木拄杖歌

海南草樹四時綠至剛獨有檳榔木刻作仙人九節杖昆吾之
刀削玄玉吳人沈傅師腹撐書與詩登然念我老贈此珊瑚枝
入手豈獨扶持力老蛟雖瘦鐵作脊何況提携指爪間玄冥側
身避正色朝敲隣扉看竹去隣翁指示三歎息此枝曾被猥
攀酒痕尚留枝節間靈藥結作雞心核蠻唾喫成花乳殷老夫
亦將東入海撐拄殘骸謁真宰就中可有安期在杖頭挑得棗
歸來分餉傅師壽千載

松風吟

昔者谷仙之真人曾謁世皇通明殿殿上賜坐言諄以為皇
王帝霸不殊冬夏秋春紫極雖貴白雲難親翩然歸卧計籌峰
下通玄館日聽松風不異大韶樂自謂身是葛天民松風晴吹
東日上蓬山閣外五采雲霞新日方西傾月復白松風吹澗壑
不著人間一點之埃塵細而笙竽間奏有餘韻大而海濤怒鼓
翻龍鱗真人卧起食息聽不厭自謂軒轅張樂湘靈鼓瑟同天
真有時雨雪黯慘之寒夜有時花柳明媚之芳辰松風不吹樽

俎淡松風不吹肌骨皴真人於此時漱嚙太和朝玉宸撼屋松
風三日吹不醒安知便以神為馬尻為輪飛度蓬萊弱水三萬
里衆真懽言歸何晚坐吟松花屑粉沾冠巾于今三十五寒暑
天根月窟來徃長頻濟山中學仙侶或跨鸞鳳駢騏驎辛
开范蠡謬師友南郭顏成誰主賓善聽松風不以耳善御松風
不以身真人有道傳不朽千古萬古無緇磷

自怡歌

緬惟陶隱居高臥松風樓太平晉主特延聘麟鳳肯向人間遊
試詢山中何所樂白雲與我同悠悠當時江左難將作三綱墜
地民風媮所以自怡者惟吞白雲盈隴頭至今稱其高疑是神
仙流東吳阿翁貞白裔不逐鞅掌干王侯國政雖未斲黎氓却
懷憂之民之責非預常布謀所以擺脫世寰聲勢利惟與白雲

為伴倚窗參豈足適吾口綺綉何以開吾眸淡然白雲相近處
那知倚門骯髒風馬牛熟鑿翻餅紫纈賂方州車輪括頸宰孰
圖小秋周為胡蝶為周天下之樂莫若怡雲優箇中誰覺察身
心亦相讐好如司馬之獨樂知者良寡味者稠吾聆此語奚翅
釣天廣樂錫琳球老髮雪種戒得當自備便欲陪杖屨與雲同
去留山中自怡者慨然許識此意否慨然許識此意否

悲歌一首寄呈劉學齋相執王可矩張德昭二尚書周

雪坡大監玉本中經歷貢吉甫司業字文子貞助教危
太樸待制貢泰甫授經陳元禮孝廉列位

天星曾照遂昌山人家隱約木石巖巒間貞元丞相有支裔避
地東入浙甘與獲猱麋鹿老死不復還五季閩王鄭光祿至今
拱木斬伐後尚爾青瑯璈不念鄉井俯仰應厚頰其如貧病

日零落每企予望涕泣長清、僑吳三十載惟餘此心在豈惟
讀書老無成但覺出門俱有礙三見兩病一凡劣四體三完百
崩敗債累方炊薪水艱餓屋屢遷家具壞文章出售有誰收書
籍縱沽無可賣此心獨存何所似夜、長虹發光惟青雲故人
祿萬鍾不割少許裨飢窮忍令江南秋雨夜頽垣腐草啼寒蛩

李遵道海岳圖

李黃岩瘦體滿臆秋斬、似厭分符澗谷底折腰督郵面
皺鬚斃人竟騎鯨魚上天去帝憫人間留不住乃令筆底飛墨
如雲霧王維鄭虔本有素早年臨摹米顛海岳圖黃巖非有顛
非無庵空丹落山木擁是中疑有窮猿呼二子風流俱不泯寶
月夜、生珊瑚

趙松雪人馬

王孫昔騎天廐驎貌得名駒并圍人義臺路寢風日嫩繡
韉花柳春吾聞莫比之野每以穀量馬駿骨千金古來寡世皇
騎之一天下鞭笞四海入衰蹄億兆俯伏聽鳴嘶如何頻年頓
失之對畫令人双泪垂

黃公望山水

姬虞山黃大癡鶉衣垢面白髮垂憤投南山或鼓袒揚勇飢驅
東閣肯為見女資不憚北遊行萬里歸來画山復畫水荆關復
生亦退避獨有北苑董營丘李放出頭地老可耳頽仙種木茅
公山喜得此卷開心顏句曲千巖萬壑縱深秀何似卷舒只在
咫尺間

活死人窩為番陽胡道玄賦

我嘗夢登天身乘帝青雲下視六合大死人何紛、尸行鬼走

不知醜天眇鬼躄無由分首戴觸體蒿兩目腸懸題湊空孤墳
自謂衆神智可以奸明君自謂瑯纂組可以成華文自謂昭旂
常可以銘前勲形如枯株心強活氣如濕灰耳強聞哀哉腥腐
密何以能超群天孫為余言此皆不足云累々白骨成飛塵安
知中有不死人眉厖睽結目如電揮呵風雨走百神塌額玉陛
下自稱小兆臣臣之形骸與衆等久斷葷血腐肉皴言臣不死
誠謬妄固有不死丹元君丹元君在何處泥丸真人且延駐一
曲寫笙五百年死人窩裏翻身去

送性僧遊徑山

憶昔茗溪登迳山童孩無識空躋攀但見五峯削玉倚天外兼
聞衆木戛樂下雲間振威何人喝石裂行脚有僧挑月還神龍
依禪井水立杜鵑啼血春花殷孤烟中分白窈窕一雨忽洗青

嶺頽何時復至舊遊處行蹤應有蒼苔斑願從師去不可得起
看蘿月空彎

雪巢

太古有積雪不在西蜀西蜀之鹵雪山遠斷冰千仞難攀躋
豈如界溪之上肅侯宇虛室生白皦於楮正猶積雪太古前表
裏空明湛中處其處其誰世寘儔純淨不涅緇塵羞素履恒因
積後見冰潢夜轉銀潢流遂疑巢居葛天氏不在木末并山頭
三啓惜明啓牖戶九霄排雲達遙路吳天月明日將曙銅盤盛
得金莖露借問脩梁初舉時見者喜氣盈芝眉巢成定產九苞
鳳我老為賦卷阿詩

陳履元畫玉山草堂

故人陳孟公辭如春雲氣如虹畫法師海岳山如騫鵬樹如龍

騎箕上天二十載有子鬣鼻畫極工驚蛟噓雲海浪白離鷺照
水岩花紅斂鱗張鬢篋鬱磗底松中有一畝幽人宮石林支頤
睨飛瀑意遠欲托冥飛鴻我欲從之不可得青山萬疊金芙蓉

趙松雪畫馬

地用莫如馬壺頭竟何施寒風善相不假式何必郭家口齒謝
家驂神駒龍變如何按式取譬之圖面八駿令人嗤君不見房
星精飛光夜流拽練明漢家都廐盡凡骨翼之北土龍方生見
能引弓射烏鼠便解騎過死王城玉堂學士親眼見貌得風蹄
燿流電山人半世只步行髀肉何曾識鞍韉每、作詩題馬圖
千金駿骨蕩無人間空費粉墨摹玄黃牝牡真成誣

高房山墨竹

高侯胸中渭川之千畝家居房山未必有如何文章政事之暇

日能為此君圖不朽想當飛墨時蒼龍投硯池山雨急洗琅玕
節海月靜照珊瑚枝自侯騎箕上天去浮世茫茫水東注千秋
萬古房山雲載拜為侯賦墨君

倪元鎮古木竹石

雲林子外生死解內敬為天使帶經而鋤倦即休亦復拈筆為
林丘樹枝鱗皴崖石幽若有人兮在空谷招之不來兮雲慘瘵
以令人愁

沈仲說畫樹石

風流沈傅師浩蕩江海姿默菴豈誠默開口譚書詩興來捉筆
畫樹石溪深岸高浪波白豪端無非篆籀法折鐵中即此其式
世人貴耳賤目者於此却令三嘆息

繪康柳下銀圖

何所聞而來不妨柳下鍛何所見而去魏鼎不復爨衰哉志士
千古心有鍾弗鍛躍冶金

江鄉捕魚圖

八言東坡謫居海上時頗見漁釣之家樂嬉之問其生涯烟波
萬頃舟一葉問其日給鰕蚶小鱸日三炊有時大魚入網即沽
酒有時順風張帆即解維不知朝廷尊嚴百官側枕聽雞起不
知行役戴星出入世途愁險歎蓬窓齟之子女睡竹笛鳴之朝
暮吹坡聞其言慘不樂我身何有恒百罹瘴海南浮天接水家
鄉往夢見之何如此漁者生不觸禍機麤衣糲飯既能暖高蓋
大馬空奔馳我觀此圖重歎息無乃有似坡翁所見盡入無聲
詩金緋貴官一射獵漁釣江湖勞夢思投毫寫圖意可見一舸
秋風雙鬢絲

三卷終

倚吳集卷之四

遂昌鄭元祐明德著

五言律

送峽州何學正

夜雨西陵樹春風燕喜亭學官資裁正士類仰儀刑天險開三
峽人心繫六經哀猿月中嘯莫作異鄉聽

送泉州蒙古學正

王制嚴心畫臣工重古人朝廷政典大嶺海學宮新番舶檳榔
唾郵籤荔子塵方言若翻譯誰與計偕陳

送白主簿

牢落慈湖館于今二百季閑居仍憫已解易尚成編吾道乾坤
大斯文日月縣何時甬東路入邑拜前賢
簿領慈溪縣遙知傍海澗熒波官賦急扶犢野農淳船護帆檣

曉烟明島嶼春每嫌鳳栖棘只尺是青旻

次韻虞學士贈趙伯容

王孫有仙骨夢斷鬱輪袍候火温丹鼎吹笙醉碧桃鳥母双蓬
鬢鷓雛五色毛人間既腥腐青海樂游朝

寄張宣慰

此老懸車日顏丹髮尚玄由来行樂處頃及未衰年令子工為
政諸孫雅尚賢固應歌舞地長見月初圓

貞逸處士

處士生無字端居代有人飛書表貞逸閉戶樂清真生意萱花
曉恩光棣萼春懸知東帛聘側席待天民

送陸秀才

出鼓江湖柁來食杞菊苗道方行沃壤舟已問歸潮水浦魚初

上春城雪未消思君好溪水鄉夢夜迢

義興岳夫人輓歌詞

道豈汗隆易身由潔素全栢舟凌黑浪蓬首戴皇天木拱終同
穴蘭摧不異阡何人紀貞烈留取姓名傳

朱澤民畫

窈窕溪橋路陰森楓樹林岸隨青障轉家在白雲深畫史分明
意山人去住心勞形何日已於此欲投簪

贈永嘉高生

高生永嘉秀秀也實南金學啓麟經祕雛生鳳穴深浪花迎客
棹霜葉變楓林異日魏科掇秋期又盍簪

送范山長

曉色馮公嶺春風慶朔堂親庭白雲外書院碧山傍雀啄飛花

柳鳩鳴結椹桑詩書有世澤簪笏繼朝行

崑山石

崑岡曾蘊玉此石尚函輝龍伯珠璣服仙靈薜荔衣一泓天景
動九節澗苗肥閱世忘吾老蒼寒意未違

虞侍講書乃祖丞相雍公誅蚊賦

父作更生靈兒為命世英西州覩威鳳南國剪長鯨不厭朝廷
小終扶日月明誅蚊賦重錄妙墨冠時名

徐良夫耕漁軒遊題

幽館夏初度清林暑氣中開軒對流水坐石待薰風花落烏巾
側鳥啼山几空畊漁者誰子散髮奏絲桐

次韻宋春卿

閒貴堂前路于今二十年美人黃土後廢址綠蕪邊願我知何

已唯公獨歸然春風吹杖屨猶復侍周旋

乾章德懋

博士衫纔綠書生髮已皤艱難柰行李弊濶動哀歌疊笏林仍
在臨池墨尚多郇公有世澤春水洞庭波

贈薛相士

子有唐生術誰如范叔寒知無狼頰骨可有鶻皮冠野日晴猶
嬾春泥曉未乾多君遠相顧不用畫灰看

送何景文

郡國推何武江湖老鄭虔世儒方醞藉詩律尚清妍宰相才難
得文章妙莫傳歸耕釣臺畔早寄白雲篇

鍊雪軒

誰煉紅爐雪晴雲斂面旋六花吹作乳兩腋欲成仙蒼髯龍鱗

舞松花蠟眼圓如何鬻白石一味舌頭禪

排律

飛龍亭

先帝潛龍日幽人待鶴時青山頻望幸琳館暫來娛寶篆黃金
鼎息波白玉卮天開六朝地花發萬年枝閃々前星夜汪々湛
露私遠符天曆鳳先協石龕龜稽古開廷閣繙經出講帷方蒙
宣室召忽抱鼎湖悲舊邱梅花落新亭柳線垂至今思沛感時
或下雲旂

送徐山長勉之赴慈湖

見說慈溪縣先民有學宮心源推自得已易竟誰通論道非人
異朝宗到海同朝窓梅蕊白夜館燭花紅遵渚三更鴈吟秋四
壁蛩橫經山色裏覓句雨聲中官况擅何吟詞塲筆最工棘圍

還待子金榜日華東

送李舉人克明任教職

職教同時雨即官等列星吳區都水監閩國道山亭兩地頭逾
白諸公眼為青身名金玉質文采鳳皇翎鼓柷辭江郡携書入
漢廷河山秋肅々宮闕晚冥々夜月鴻遵渚秋風馬在垆李嶠
初夢筆劉向老傳經樸棧材千尺菁莪翠一庭天邊期中鵬囊
底任枯螢歸路梅花發長歌為子聽

送嵇洞玄鍊師雲遊

已躡東遊屩還乘上海槎尋真度弱水招子飯胡麻少廣蒼精
佩双成綠髻鬢娛遊芝作盖服食棗如瓜翬采觀初日神虛茹
幼霞玉笙宵度曲金匱夙抽芽遂把東皇袂來朝阿母家初平
羊已化中散蠶空爬劒蝕緱仍結尊空石漫窪歸期定何日夜

夜卜燈花

輓錢翼之

字法勤書史年勞起校官如何管城子竟老鷓皮冠句積詩囊
重心投酒筆寬刻深吳下石名藹楚鄉蘭梅福身垂老虞翻骨
未寒佳兒繼述作留與後人看

輓虞彦高

茗水橫經日長洲莞庫時玄霞散鬢鬣白雪吐言詞自分儒紳
拙寧知委吏卑袖籠生物手笏拄看山頤返老梁溪濞縣車錫
麓陞溫言恒侃々孺樂更怡々竹色賓階潤花陰戶屨移入閩
求古刻踰浙致名師夜雨連書屋春風動講帷扣舷吳子國鬻
茗李紳祠政以孤踪淡誰令二豎持古心空似月裏髮已如絲
白日誠難挽皇天不慙遺士林紛雨泣紫酒諒神知丹旆霜風

慘青林磴道危可無千字誅因賦八哀詩

送劉廷美待聘

文皇南面日劉楚北游時抗疏三公府高名四海知近臣推得
士公論果無私坐置昌平策歸尋后土祠仲容為姪好王述豈
人癡驥子難籠絡鸚鵡雛足羽儀氣紆商女怨賦解洛神悲淮左
辭攀桂商頰罷茹芝長裾今已曳好爵固應縻送子難為別西
門折柳枝

送楊季常山長

揚子談經處吳公學道祠宮墻紅靡々庭篠綠差々演迤詩書
澤冲融雨露私草玄心獨苦稽古力難裨二載平生學諸生去
後思簡書猶用試匠石詎能遺霧豹方深隱雲鵬豈後時會看
清白吏勲業著常旂

挽潘祥卿

已佩官箴爾人推吏議精筆鋒迴雅道經術讞疑情孝悌居無
忝公廉志夙成家移山郭生祿代石田耕晚謝蕪湖幕恩留携
李城湖山容佚老蓬藿足逃名藉草拋書卷看雲把酒觥陽坡
秋種菊畫舫夜彈箏既已忘榮辱方知外死生嶮、墓頭石百
世保麻貞

劉毋丁夫人輓詞

忠養兒能孝居官不患貧長言遠遊客兼是未亡人主績機恒
紡尸饗饌必親課孫裨缺學為子歎佳賓蓮幙方圖養蓉城忽
返真兩雛悲塌翼諸友為沾巾淚斷枯魚索愁凝繡鵲茵佳城
瘞何日瞻望極酸辛

七言律

奉柳太常道傳

烏蜀先生雙鬢絲尊鱸江上故園思水光閃閃金壺墨石理硯
硯玉佩辭水落魚龍秋不雨月明烏鵲夜無枝名山蚤選藏書
穴迹取蒲輪未召時

送貢司業秦甫

代祀躬趨黃木灣歸朝仍綴紫宸班識高京兆囊封後道在河
汾戶樓間迎日講遙瞻鳳宸籲天經術動龍顏異時歸空藏書
穴好在南湖疊嶂山

送秦兼善總兵

大帥樓船過浙東軍聲肅、峭寒中令嚴虎帳中天日威息鯨
波萬里風蠻徼盡驚戎虢白極南遙湧壽星紅道山宮闕多仙
聖預啓瑤編錄雋功

寄雲南蕭元帥

南望元戎玉帳寒，炎之桂海息狂瀾。幸獅入貢金連索，騎象來朝罽織鞍。丞相渡瀘先鬢白，將軍標柱獨心丹。春波涸盡思霖雨，箕畢星纏夜夜看。

送許具瞻進士

純孝淵之許子，將身遷父柩。脫烟燭，遂登龍虎黃金榜。便縮鷓鸕鸞，紫荷囊。山水窟中民訟簡，弦歌聲裏晝陰長。聖朝南面求賢切，佇見才名上廟堂。

寄潘子素文學

與子同庚命不同，悠悠江海異窮通。潛鱗易借風雲力，朽枿難論雨露功。欲進老人圯上履，可孤焦尾嶧桐河。陽縣裏花千樹，不借孤芳一朵紅。

次韻顧仁夫得代

君房未歷金華省，潘岳猶居散騎營。秋水紅蓮能自採，春愁白髮為誰生。夢驚里閨二年別，歸載圖書一舸輕。野老淒涼連去更，誰虛左日相逢。

次韻贈完顏子中

紫誥黃麻疊縮歸，棣花香裡拜庭闈。聖經教子無金埒，憲節傳家有繡衣。佳句易增詩篋重，故人難會酒行稀。願從菰米鱸魚國，醉把黃花莫暫違。

寄楊士可巡檢

警邏深山行夕嵐，日嚴笳鼓罷幽探。坐中拄笏知非據，馬上彎弓想漸諳。柅葉長年思共渡，菊英何日采盈甌。揚雄干柱華棟宅，只在輝之北斗南。

蔡孝子廬墓

六峯雲氣深墓廬何處得相尋青山當戶哀
哭白日孤光黯沉馴虎欲嗥風落石樓鳥不定
月穿林三年泣血誰相問灑寒泉礪下音

錢道士游仙

綠髮飄蕭禮上玄明星遙隔絳河邊香消楚澤
春風佩愁入湘城夜雨絃素手不將條脫贈綺
疏惟把步虛編西神峯頂飛霞觀小駐鸞笙五
百年

栖碧亭為華勿武賦

華家池館嵌山南似高木翠凝金波影裏魚鱗
屋玉瑤聲中麈尾詩畫溪之雲運時睡紅飛花雨撲
炬風漁郎一別柁源路回日春風雪滿簷

芸齋

博士齋居芸草香青編不復蠹魚傷能窮腹裡書
三篋敢望身前笏滿床雨屋篝燈驚鶴夢月窓展卷
淡螢光孔門体用平生學綠髮應須佐世康

園隱

麻姑山下地仙家護草春深賸着花雛雉逐雌
催刈變鳴鳩呼雨課鋤瓜放歌不厭牛親節對客
何妨蝨屢爬一夜南坡雷雨作竹萌迸地蕨抽芽

宣城姚秀才棄舉業為道士于昇州

娟娟月出敬亭山曾照書聲竹樹間淡墨何須題
鴈塔扁舟先已過龍灣仙人觀闕雲端見帝子笙
簫月下還水驛花開咲相問澹波誰似白鷗閑

至元丁丑夏五宣城汪叔敬吳人干壽道丹丘柯敬仲
國人秦蕪善同僕遊天平次往靈巖有作奉和

西望層巒草木青魏公祠下拜儀刑經綸有榮迴天地憂樂無
時忘闕庭異代蒸嘗遵典禮故山香火下神靈浮雲變滅知何
在閒聽松風語塔鈴

右天平魏公祠

吳王宮闕草萋萋飛閣重登意轉迷洗硯池邊雲欲暝拜郊臺
上日平西湖涵遠浪千帆沒樹響悲風一鷗棲江海鷗夷招不
返荒烟野水鷓鴣啼

右靈岩涵空閣

送樂鼎儀歸東平

岱宗高入帝青寒策馬東歸不厭看一變便與周禮樂兩生那
識漢衣冠雨休樹下碑仍在雪起封中玉未刊更上靈光殿基
望冥、鴻鵠有脩翰

送季山甫慈湖教諭

季子揚舲之角東慈湖應與暮潮遙豚吹野岸楊花白鳩食桑
林樵子紅遺老應傳義易說先民誰繼日鈔功東吳寓叟頭全
白目送孤雲沒斷鴻

和宇文子貞見寄

別未見話幽人屋此去當扶野老節涇底魚肥春欲上墻陰薺
嫩雪猶封齋庖不輟頻炊釜山屐應留屢舞蹤它日孫依外家
學書籤題墨寫教濃

送林道士歸溫

鴈蕩行雲生翠微東還行李正騑、松矜日老當秋發鶴養雖
成待客歸珠斗影寒瑞玉瓏繡雲香積紫烟衣懸知夜禮虛皇
罷宴坐朝元意不違

遊嘉定道院

芙蓉洲上集仙宮，環珮聲聞縹緲中。
桂閣吹香天樂下，稻田疏脈海潮通。
呼龍起舞迎初日，跨鶴歸來御晚風。
大藥已成金鼎，墮丹光猶得屯年豐。

春寒

春寒峭，過王師都出南門送鼓旗。
嶺海鯨鯢就誅日，江湖鴻鴈欲歸時。
參差帆葉開溪舫，顛倒梅花落硯池。
多病杜陵頭白盡，每因送客賦新詩。

送葛奏差赴閩

天子分符鎮七閩，元戎建旆拂三辰。
荔花蜂采千崖蜜，榕樹鶯啼二月春。
吏署看山時拄笏，使輅飛輕不驚塵。
南來勾漏丹砂訣，定愛溪邊白鹿馴。

廬山圖

潯陽郭裏望廬山，日出千峯紫翠間。
烟樹近同蠶井絡，風帆遙認楚鄉關。
匡仙抱鶴巖頭放，李白騎鯨海上還。
却向畫圖求彷彿，菖蒲花老石苔斑。

題程國表妻墓碣

太末溪頭送夫婿，祝即戰勝早歸來。
龍光暫漏金閨籍，鸞影先分玉鏡臺。
兒女淚痕宵泣血，杯圈口澤歲興哀。
它年墓道焚黃日，銘碣悲涼首重迴。

陳母張安人輓辭

延陵陳母具柔慈，訓子成名鬢亦絲。
樓護起家元自蚤，馮勤補袞不嫌遲。
旨甘每却熬波味，燕饗長懷剪髮思。
未拜恩封先已歿，後來阡表有餘悲。

挽楊九玄

虎丘山下有孤墳，曾識譚經楊子雲。夢落江湖仍聽雨，魂歸泉壤亦修文。家山路遠聽猿淚，書傳香留辟蠹芸。况有佳兒能力學，草玄猶足繼前聞。

賓月樓

最愛香山賓月樓，清光全得太湖秋。魚龍出向初筵舞，蟾兔來從上客遊。疑閣綠苔須士賦，委波金鏡屬誰收。江山千古才情在，牛渚何人獨獻酬。

知音亭

亭院日長深復深，高山流水思愔愔。曲中別鶴啼清怨，樹底薰風養綠陰。激楚忽聞機裂帛，懷人又見冶鎔金。能言萬籟無南郭，隱几形閒孰賞音。

聽雨樓

夢滄江聽雨眠，不應愁絕似今年。建瓴長恐崩高屋，鍊石徒聞補漏天。響入北廊葭莖亂，濕增傍壁薜蘿牽。白頭倦客孤蓬底，尚想躬耕有石田。

趙季文茶屋

蕭蕭茶屋傍池開，漫叢筠帶雨栽。寒雪曉晴雞誤唱，炊烟帶暝鶴歸來。醉猶燒燭親黃卷，靜愛飛花點綠苔。尊酒久違真寂寞，鷓鴣啼上越王臺。

薛玄卿鶴齋

君家少保已登雲，留得青田貌後真。烏母督仙須顯駕，羽車驟乘必長人。聽經香案孤撐雪，啄菌瑤塔每過春。遲子吹笙明月下，丹砂乞與頂頭巾。

次韻寄顏元卿院判

酒盡空懸蘸甲瓢，一燈孤館夜寥寥。鴈寒猶下滄洲宿，地暖偏留
田重霧消長笛一聲推趙嘏，袞衣三世屬文饒。看雲早晚摩挲
翼，翳爾青雲萬里遙。

寄泰蕙善總制

征鳳鮮于專節制，戮鯨王式任偏裨。長江謾擊中流楫，落日方
懸大將旗。夜泣寒機，髮擲緯朝粧。明鏡女揚眉，丈夫身在難乾
沒。三秀煌煌，是紫芝。

和吳宗師寄張貞居

齊老堂前烟樹空，真人錫類坐神宮。一縑今賚高年帛，重壤驚
迺禿髮翁。琳館花殘春欲雨，石壇松老夜多風。遙思問道崆峒
處，都在衢尊盎盎中。

和薩天錫留別張貞居寄倪元鎮

翠溪歲暮若為情，溪上梅花待曉晴。逕雪吟埋山屐齒，簷冰夜
墮石床聲。內篇携向松根讀，如意持將竹裏行。短晷何能理幽
事，南窓剪燭話寒更。

次韻薛真人賀吳宗師壽辰

臣工袒割紫鱗肪，辭藻輝飛白玉堂。五色雲中扶日轂，九霞盃
裏酌天漿。又從禹範開皇極，重拾堯莫紀歲陽。古桂長承新雨
露，綿根抵發天香。

壽春官達郎中

清油幕下紫薇開，身總群綱假上台。桂海已聞京觀築，越裳還
見貢琛來。詩書未與秋搖落，刀尺難從世剗裁。廊廟棟梁須致
貞，松合抱是良材。

次韻王季野北歸

黑髮黃髯萬里歸，腰如開國待犀圍。
樓前花似琴臺發，江上魚如丙穴肥。
蠻井遠民茶稅急，槐陰燕席酒觥飛。
名勲莫負傳家笏，只尺青雲立綉衣。

公子承恩日下歸，小山堂上錦香圍。
百壺寫淥方論醉，五鼎烹肪不厭肥。
聽瑟池魚衝浪出，寄書籠鶴傍雲飛。
茜袍色映輕裘好，為是夫人手製衣。

歲暮感事

歲除風雪苦陰寒，民庶逋租悉繫官。
破蕩未充狼虎欲，條累只作馬牛看。
何人肯破楊城械，有客空彈貢禹冠。
上力已窮民力瘁，腐儒頭白淚闌干。

稿吳集卷之四



